

## ŠTA POSLODAVCI OČEKUJU OD VLASTI

### Ključni orijentiri politike

Ključni orijentiri ekonomske politike su:

1. Stope rasta BDP niža od 6-7% nije prihvatljiva
2. Javne rashode osim onih na istraživanja i razvoj te infrastrukturne investicije skresati na trećinu BDP
3. Ulaganja ulaganja u istraživanja i razvoj podići na minimalno 1% BDP (tj. na 200 mln KM; po 100 mln KM javni sektor i privatni sektor)
4. Stopu ukupne štednje (domaća plus 'uvezena' kroz devizne doznake) podvostručiti (s 10% na 20% BDP)
5. Stopu investicija dići na barem trećinu BDP
6. Financiranje investicija iz ino izvora povećati na barem petinu ukupnih investicija
7. Podvostručiti udio prihoda od direktnih poreza u ukupnim poreznim prihodima
8. Prihod od poreza na imovinu povećati s 1 na 5 posto poreznih prihoda
9. 'Divlje javne rashode' (nezakonitu javnu potrošnju) svesti na nulu
10. Ukinuti diskriminaciju privatnih spram javnih kompanija
11. Ustanoviti targete poslovanja i indikatore operativne efikasnosti za javne kompanije i javne institucije.

12.

### Pregled reformskih paketa

Tabela 24 daje pregled temeljnih preporuka razvojne politike FBiH koje treba provesti u razdoblju 2022-2023, pri čemu su preporuke grupirane u odgovarajuće reformske pakete.

Tabela 24: Pregled temeljnih preporuka razvojne politike FBiH u 2022-2023

R. br.	Preporuka	Obrazloženje
<b>I. Paket lanaca vrijednosti</b>		
1	Utemeljiti Fond za istraživanja i razvoj FBiH i fondove za istraživanja i razvoj kantona	Početni kapital Fonda FBIH može se osiguran kreditom World Bank od 100 mln KM. Sredstva bi se dijelila natječajem na principu: na 1KM firme -1KM FBiH, pa bi ukupno bilo uloženo 200 mln KM odnosno 1% BDP.

		Firme bi vratile sredstava indirektno – kroz poreze i doprinose novozaposlenih radnika (25000 radnika za četiri godine)
2	Formirati tehnološko-inovacijske centre kantona	Nužno je formirati barem po jedan tehnološko-inovacijski centar kantona za djelatnost u kojoj privreda kantona ima konkurentnu prednost putem partnerstva javnog, privatnog i civilnog sektora
3	Uvesti porezne poticaje za istraživanja i razvoj	Tretirati istraživanja i razvoj kao odbitnu stavku u iznosu od 100% kod obračuna i plaćanja poreza na dohodak
4	Mapirati i podržati lance vrijednosti kao motore razvoja	Mapirati vodeći lanac vrijednosti kantona temeljem veličine dodane vrijednosti i podržati formiranje centara izvrsnosti (istraživačko razvojnog centra i centra za obuku) oko tog lanca na temelju sredstava Fonda za istraživanje i razvoj i sredstava kantonalnih službi za zapošljavanje
6	Korisiti sredstava doprinosa za zapošljavanje za obuku zaposlenih osoba iz čijih plaća se izdvaja doprinos	Sredstava prikupljena doprinosom za zapošljavanje moraju se koristiti u manjoj mjeri za pasivne mjere zapošljavanja (naknade osobama koje su ostale bez posla) i pretežito za aktivne mjere zapošljavanja tj. opću obuku osoba koje izdvajaju sredstva putem obuke (preko teritorijalnih paktova zapošljavanja) i specijalističku obuku (preko lanaca vrijednosti)
<b>II. Paket poslovnog ambijenta</b>		
7	Otkloniti prepreke pri registraciji privrednih subjekata	Uvesti pravilo da ako procedura za registriranje nije provedan za dva mjeseca od predaje zahtjeva da se smatra da je registracija izvršena
8	Ubrzati izdavanje dozvola (građevinskih, okolinskih i energetske)	Uvesti pravilo da ako dozvola nije izdata za godinu dana od podnošenja zahtjeva da se smatra izdanom
<b>III. Financijski paket</b>		
9	Formirati Strateško investicijske fondove (SIF-ove)	Nužno je formirati SIF-ove kako na razini FBIH tako i na razini kantona radi podrške odabranim djelatnostima (obnovljivi izvori energije, digitalizacija i sl)

10	Donijeti zakon o multilateralnim kompenzacijama	<p>Sarajevska burza može pružiti tržišnu infrastrukturu i sustav potreban za višestruka prebijanja koja bi se odvijala u nekoliko navrata na godišnjoj rrazini u unaprijed utvrđenim terminima (minimalno dva).</p> <p>Time bi se podigla razina likvidnosti i izvršavanja obveza, potraživanja učinila utrživim, ponudili novi tržišni instrumenti na tržištu, iskoristio know how tržišta kapitala i time optimizirali kapaciteti, harmonizirala regulativa s onom u RS.</p>
11	Ukinuti monopol banaka kao depozitnih institucija i uvesti druge depozitne institucije i monopol na inozemna plaćanja	<p>Nužno je ažurirati zakon o bankama (ukinuti odredbu da samo banke mogu uzimati depozite i odobravati kredite) te donijeti zakon o štedionicama i zakon o štedno-kreditnim zadrugama. Istodobno bi se podigao cenzus za osnivanje banke na 30 mln te bi banke djelovale kao makro institucija, štedionice kao mezzo (regionalne) a štedno-kreditne zadruge kao lokalne.</p> <p>Nužno je osigurati telekomima, osiguravajućim kućama i drugim subjektima koji zadovolje određene kriterije baviti se poslovima internacionalnog platnog prometa.</p>
12	Potaknuti financijske institucije, prije svega banke na osnivanje fondova riziko kapitala (FRK)	<p>Banke bi ponajprije trebalo animirati (ili regulatorno usmjeriti) da dio svoje aktivne, primjerice 1 ili do 5% ulože u FRK, odnosno da svojim klijentima, omoguće takvo ulaganje, a koje bi imalo za cilj potaknuti startupove, za koje banke procijene da imaju dobru poslovnu perspektivu.</p> <p>Na taj način se optimalno koristio poslovni due dilligance koji banke imaju za procjenu različitih projekata, eliminira argument kako nema dobrih projekata za ulaganje, rizik djelomično prevaljuje na one klijente banke koji su zainteresirani za intenzivniji odnos rizik/povrat, proširuje ponuda proizvoda banke, unpaređuje asortiman financijskih proizvoda na tržištu, daje prilika financiranju dobrih start upova, ili kroz dužničke, ili kroz vlasničke instrumente</p>
<b>IV. Paket javnog sektora</b>		
13	Optimizirati broj institucija, broj zaposlenih i ukupnih	Deklarativno opredjeljenje za smanjenjem javne potrošnje potrebno je konkretizovati u dokumentima koje predlaže Vlada Federacije BiH a usvaja Parlament FBIH.

	rashoda javne administracije	Ovo se prije svega odnosi na Okvirni budžet koji se donosi za period od tri godine a zatim i u Budžetu za 2018.  Sredstva koja bi se uštedila treba usmjeriti u poticaje poduzetnicima za novo zapošljavanje i investicije, a dio i za programe socijalne zaštite svih onih koji budu obuhvaćeni programom smanjenja javne potrošnje.
14	Obuzdati rast plata i socijalnih davanja u sektoru vladinih financija	Kroz dosljednu politiku primjene utvrđenih parametara (plafon je rast nominalnog BDP) početi smanjivati učešće javne potrošnje u BDP (F)BiH i stvoriti više prostora za štednju i investicije.
15	Zaustaviti praksu nelegalne javne i privatne potrošnje (kroz stvaranje “implicitnih dotacija” ili neplaćenih obaveza, odnosno nenaplaćenih javnih prihoda)	Vlada/e godinama tolerišu, gotovo prihvataju kao datost, pa čak i odobravaju praksu neprihvatljivog kašnjenja u plaćanju i/ili neplaćanja zakonskih obaveza (doprinosa i poreznih obaveza) i tako kontinuirano ruše principe tržišnog ponašanja i uvode diskriminatorne elemente u funkcioniranju bh. ekonomije i društva u cjelini. Ova praksa mora biti hitno zaustavljena.
16		Potrebno je izmijeniti član 94. tačka d) Pravilnika o primjeni Zakona o PDV-u čime se omogućilo potpisivanje bilateralnih sporazuma a time i povrat PDV-a iz navedenih zemalja. Efekti ove mjere se iskazuju udesetinama miliona KM.
17		Kompanije u svojim bilansima vode obveze prema ZZO za usluge koje nisu pružene. Osim toga veliki dio potraživanja je pao u zastaru ili postao nenaplativ iz drugih razloga. Opštedruštvena korist ove mjere bila bi opstanak stotina privrednih subjekata i očuvanje hiljade radnih mjesta.
18	Prodaja javnih poduzeća	Izvršiti due diligence javnih kompanija i donijeti odluke o restrukturiranju i/ili prodaji javnih kompanija

Izvor: adaptirano iz Domljan et al (2021)

### Šta je izvodljivo u FBiH u narednih šest mjeseci:

1. Mapirati lance vrijednosti, klastere, sektor i polove razvoja i podržati formiranje centara izvrsnosti pri njima (istraživačko-razvojni centri i centri za obuku)

2. Formirati fond za istraživanja i razvoj; početno punjenje osigurati aranžmanom s World Bank i od dobiti Centralne banke
3. Formirati Strateški investicijski fond na razini FBiH
4. Promijeniti zakon o bankama

## **AKTIVNOSTI NA NIVOU BIH**

### **1. PDV**

#### **a) IZMJENE ZAKONA O POREZU NA DODATNU VRIJEDNOST**

**(Uprava za indirektno oporezivanje, Vijeće ministara BiH, Parlamentarna Skupština BiH):**

- Pomjeranje roka plaćanja PDV-a na zadnji dan u mjesecu za prethodni mjesec
- Plaćanje PDV-a po naplati fakture za obrtnike i mala poduzeća
- Ukidanje prava na odbitni PDV za fakturu koja nije plaćena
- Povećanje praga za ulazak u PDV sistem

#### **b) IZMJENA PRAVILNIKA O PRIMJENI ZAKONA O PDV-U**

**(Uprava za indirektno oporezivanje)**

- Izmjena člana 22. Pravilnika o primjeni Zakona o PDV-u na način da se propiše obaveza plaćanja PDV-a stranim prevoznicima za usluge prevoza putnika<sup>1</sup>

#### **c) ZAKLJUČITI BILATERALNE MEĐUNARODNE UGOVORE O POVRATU PDV-A SA 11 DRŽAVA, PRVENSTVENO SA HRVATSKOM I SLOVENIJOM**

**(Vijeće ministara BiH, Ministarstvo vanjskih poslova BiH)**

- Izmjenom Pravilnika o primjeni Zakona o PDV-u stvoren je pravni osnov za zaključivanje bilateralnih sporazuma sa drugim državama

### **2. ODLUKA O UVJETIMA I POSTUPKU OSTVARIVANJA PRAVA NA OSLOBAĐANJE OD PLAĆANJA UVOZNIH I IZVOZNIH DAŽBINA**

**(Uprava za indirektno oporezivanje, Vijeće ministara BiH)**

- Izmjena člana 6. Odluke na način da se od plaćanja uvoznih dažbina oslobode i

---

<sup>1</sup> UPFBiH je sačinilo prijedlog izmjene Pravilnika koji je upućen UIO i isti se nalazi u prilogu ovog akta

rezervni dijelovi opreme za proizvodnju<sup>2</sup>

### 3. ZAKON O AKCIZAMA

**(Uprava za indirektno oporezivanje, Vijeće ministara BiH, Parlamentarna skupština BiH)**

- Izmjena Zakona o akcizama na način da se ukine akciza na gorivo
- Vođenje akcizne politike na način da se zaštite domaći proizvodi

### 4. IZMJENA UPUTSTVA O POSTUPKU IZVOZA (Uprava za indirektno oporezivanje)

- Izmjenama člana 4. i 12. Uputstva omogućiti podnošenje carinske prijave korištenjem tehnike elektronske obrade podataka, a samo izuzetno u pismenom obliku, te da se kontrola stvarnog istupa robe, poreza na dodatu vrijednost, drugih indirektnih poreza, ili primjena mjera trgovinske politike vrši uvidom u elektronsku bazu podataka.

Trenutno, zbog neposjedovanja primjerka ovjerene carinske prijave u fizičkom obliku, izvoznici **ne mogu dokazati stvarni istup robe sa područja BiH i ne mogu ostvariti pravo na povrat PDV-a<sup>3</sup>**

### 5. USKLAĐIVANJE ODLUKE O CARINSKOJ POLITICI U BIH SA ZAKONOM O CARINSKOJ POLITICI BIH (Vijeće ministara BiH)

- Potrebno je izmijeniti član 220. stav 2. Odluke, na način da se briše dio teksta: "Kao pojednostavljena carinska deklaracija ne može se koristiti trgovinski ili službeni dokument". Na taj način će se zadržati primjena pojednostavljenog carinskog postupka po fakturi

### 6. PREDUZIMANJE MJERA KOJIMA ĆE SE ZABRANITI IZVOZ DRVETA I UVESTI TAKSE NA IZVOZ ODREĐENIH DRVNIH SORTIMENATA (Vijeće ministara BiH)

- Donošenje odluke o privremenoj zabrani izvoza trupaca i uvođenju privremenih izvoznih taksi na određene drvene sortimente<sup>4</sup>

### 7. ADMINISTRATIVNE I SUDSKE TAKSE

**(Ministarstvo finansija i trezora BiH, Vijeće ministara BiH, Parlamentarna skupština BiH)**

- a) Donošenje novog Zakona o administrativnim taksama BiH u kojem će se:**
- Propisati kriteriji za određivanje visine administrativnih taksi

<sup>2</sup> UPFBiH je sačinilo inicijativu za izmjenu Odluke koja je upućena UIO i ista se nalazi u prilogu ovog akta

<sup>3</sup> UPFBiH je pripremlilo inicijativu za izmjene Uputstva o postupku izvoza i ista se nalazi u prilogu ovog akta

<sup>4</sup> UPFBiH je pripremlilo prijedlog Odluke koja se nalazi u prilogu ovog akta

- Brisati član Zakona kojim je data nadležnost Vijeću ministara Bosne i Hercegovine da može, pored taksi koje su već predviđene ovim zakonom, utvrditi dodatne administrativne takse i da može povećati i smanjiti administrativne takse
- Smanjiti broj i visinu administrativnih taksi
- Ujednačiti takse sa realnim stepenom razvoja i platežnom moći fizičkih i pravnih lica<sup>5</sup>

**b) Izmjene Zakona o sudskim taksama u postupku pred Sudom BiH**

- Smanjenje visine sudskih taksi u postupku pred Sudom BiH
- Ujednačavanje takse sa realnim stepenom razvoja i platežnom moći fizičkih i pravnih lica<sup>6</sup>

**8. ZAKON O JAVNIM NABAVKAMA**

**(Agencija za javne nabavke, Vijeće ministara BiH, Parlamentarna skupština BiH)**

Izmjena Zakona o javnim nabavkama:

- Izmjena člana 16. koji se odnosi na podjelu predmeta nabavke na lotove kako bi se smanjila mogućnost manipulacije u postupku javnih nabavki
- Dodati novi član koji propisuje nabavku koja uključuje usluge osiguranja i na taj način smanjiti pravni sukob između Zakona o javnim nabavkama i zakona koji reguliraju rad i poslovanje društava za osiguranje
- Izmjena člana 18. koji propisuje odluku o pokretanju postupka javne nabavke, na način da se jasnije i preciznije propiše šta sadrži odluka i na taj način omogućiti fer, transparentan i kontrolisan postupak javnih nabavki
- Izmjena člana 25. na način da se propiše obaveza da je ugovorni organ u otvorenom postupku dužan obezbijediti dostatne izvore finansiranja za nabavu robe ili usluga koje su predmet javne nabavke, ili bankovnu garanciju da će blagovremeno izvršiti plaćanje predmeta javne nabavke
- Izmjena člana 45. koji se odnosi na ličnu sposobnost
- Izmjena članova 48. 49. 50. i 51. koji se odnose na opće uslove za tehničku i profesionalnu sposobnost kako bi se ograničila mogućnost postupka javnih nabavki, kako od strane ugovornog organa, tako i od privrednih subjekata
- Izmjena člana 58. koji se odnosi na sadržaj ponude kako bi se ograničila mogućnost manipulacije u postupku javnih nabavki
- Dodati novi član koji propisuje garanciju ugovornog organa

<sup>5</sup> UPFBiH je pripremlilo prijedlog Zakona o administrativnim taksama BiH koji se nalazi u prilogu ovog akta

<sup>6</sup> UPFBiH je pripremlilo prijedlog Zakona izmjenama i dopunama Zakona o sudskim taksama pred Sudom BiH koji se nalazi u prilogu ovog akta

- Izmjena člana 63. koji se odnosi na otvaranje ponuda kako bi se ograničila mogućnost manipulacije u postupku javnih nabavki
- Izmjena člana 66. koji se odnosi na neprirodno nisku ponuđenu cijenu
- Izmjena člana 70. koji se odnosi na odluku o izboru i poništenju
- Izmjena člana 72. koji se odnosi na ugovore na način da se propiše mogućnosti izmjene ugovora i okvirnih sporazuma tokom njegovog trajanja bez provođenja postupka javne nabavke, a usljed nepredviđenih okolnosti koje se nisu mogle predvidjeti u trenutku dodjele ugovora
- Izmjena člana 73. koji se odnosi na predugovaranje
- Izmjena člana 90. na način da se propiše da limitirajući procenat ukupne godišnje vrijednosti svih javnih nabavki putem direktnog sporazuma
- Izmjena člana 93. na način da se propiše da se žalbe za iznose do 500.000 KM razmatra u uredima u Mostaru i Banja Luci kako bi i ured u Sarajevu imao adekvatan broj predmeta koji će rješavati
- Izmjena člana 108. koji propisuje naknadu za žalbu
- Izmjena člana 116. koji se odnosi na prekršajne odredbe<sup>7</sup>

## **9. AKTIVACIJA RADA RADNIH GRUPA KOJE SAČINJAVAJU PREDSTAVNICI VIJEĆA MINISTARA, UNIJA UDRUŽENJA POSLODAVACA REPUBLIKE SRPSKE I UDRUŽENJA POSLODAVACA FBiH FORMIRANIH U JULU 2020. GODINE**

- a) Radna grupa za indirektno poreze
- b) Radnu grupa za javne nabavke
- c) Radna grupa za unaprjeđenje zaštite domaće proizvodnje
- d) Radna grupa za unaprjeđenje oblasti saobraćaja
- e) Radna grupa za smanjenje opterećenja rada

## **10. UVOĐENJE ELEKTRONSKOG POTPISA**

- Uspostava ureda za akreditaciju i nadzor certifikacijskih tijela BiH pri Ministarstvu komunikacija i prometa BiH kako bi se počeo primjenjivati elektronski potpis

## **11. IZMJENA ZAKONA O STRANCIMA BIH (Vijeće ministara BiH, Parlamentarna Skupština BiH)**

<sup>7</sup> UPFBiH priprema primjedbe na Zakon o javnim nabavkama i iste će biti dostavljene u narednih mjesec dana od dostavljanja ovog akta



## **12. FORMIRANJE EKONOMSKO-SOCIJALNOG VIJEĆA NA NIVOU BIH (Ministarstvo civilnih poslova BiH, Vijeće ministara)**

### **AKTIVNOSTI NA NIVOU FBIH**

#### **1. OMOGUĆAVANJE SOCIJALNIM PARTNERIMA UČEŠĆE NA SVIM NIVOIMA VLASTI U IZRADI I DONOŠENJU ZAKONA I PODZAKONSKIH AKATA KOJI SU OD INTERESA ZA POSLODAVCE**

- Inicijativa za izmjenu Poslovnika Predstavničkog doma Parlamenta FBiH
- Inicijativa za izmjenu Poslovnika o radu Doma naroda Parlamenta FBiH
- Inicijativa za izmjene i dopune Poslovnika o radu Vlade FBiH
- Inicijativa za izmjenu Pravila i postupaka za izradu zakona i drugih propisa FBiH
- Uredba o izmjenama i dopunama uredbe o procjeni uticaja propisa
- Zahtjev za formiranje koordinacionog tijela za parafiskalne namete u FBiH<sup>8</sup>

#### **2. USVAJANJE ZAKONA KOJE JE PRIPREMILO UPFBiH (Vlada FBiH, Parlament FBiH)**

##### **RAD I ZAPOŠLJAVANJE**

- Zakon o izmjenama i dopunama Zakona o zaštiti na radu
- Zakon o štrajku
- Zakon o posredovanju u zapošljavanju i socijalnoj sigurnosti nezaposlenih osoba
- Zakon o izmjenama i dopunama Zakona o profesionalnoj rehabilitaciji, osposobljavanju i zapošljavanju osoba sa invaliditetom
- Zakon o ESV-u
- Zakon o ustupanju radnika
- Zakon o izmjenama i dopunama Zakona o radu (izmjene se odnose na studentski rad)

##### **PRIVREDA**

- Zakon o finansijskom poslovanju
- Zakon o izmjenama i dopunama zakona o privrednim društvima
- Zakon o izmjeni Zakona o računovodstvu i reviziji
- Zakon o izmjenama i dopunama Zakona o stečaju

---

<sup>8</sup> UPFBiH je pripremio inicijative za izmjenu šest propisa i iste se nalaze u prilogu ovog akta

## **JAVNI PRIHODI**

- Zakon o porezu na dohodak
- Zakon o izmjenama i dopunama zakona o porezu na dobit
- Zakon o doprinosima
- Zakon o federalnim administrativnim taksama i Tarifi federalnih administrativnih taksi
- Zakon o izmjenama i dopunama zakona o sudskim taksama u postupku pred Vrhovnim sudom FBiH
- Zakon o izmjenama i dopunama zakona o naftnim derivatima

## **ZDRAVSTVO**

- Zakon o izmjenama i dopunama zakona o zdravstvenom osiguranju
- Zakon o izmjenama i dopunama zakona o zdravstvenoj zaštiti<sup>9</sup>

## **USKLAĐIVANJE ODREDBI ZAKONA KOJE REGULIŠU ISTU MATERIJU NA DVA RAZLIČITA NAČINA**

- Zakon o izmjenama i dopunama Zakona o hrani
- Zakon o izmjenama i dopunama zakona o kontroli cijena
- Zakon o izmjenama i dopunama zakona o unutrašnjoj trgovini FBiH
- Zakon o izmjenama i dopunama Zakona o igrama na sreću<sup>10</sup>

## **UREĐENJE OBLASTI UPRAVE, INSPEKCIJA I PREKRŠAJA**

- Zakon o dopuni Zakona o upravnom postupku
- Zakon o izmjenama i dopunama Zakona o prekršajima FBiH
- Zakon o izmjenama i dopunama Zakona o inspekcijama FBiH
- Zakon o postupku inspeksijskog nadzora u Federaciji BiH<sup>11</sup>

---

<sup>9</sup> UPFBiH priprema inicijative za izmjene navedenih propisa i iste će biti dostavljene u narednih mjesec dana od dostavljanja ovog akta

<sup>10</sup> UPFBiH je pripremila inicijative za izmjene navedena četiri zakona i iste se nalaze u prilogu ovog akta

<sup>11</sup> UPFBiH je pripremila inicijative za izmjene navedena četiri zakona i iste se nalaze u prilogu ovog akta

Obzirom da smo naveli zakone koji su sistemski i za čije usvajanje je potreban duži vremenski period, **Udruženje poslodavaca FBiH je u nastavku izdvojilo pet zakona u kojima se nalaze najznačajniji članovi.**

Obzirom da se ne radi o složenim i obimnim izmjenama, ali su veoma značajne, predlažemo da se sljedeći zakoni razmatraju po skraćenom postupku u skladu sa članom 172. Poslovnika Predstavničkog doma Parlamenta FBiH i članom 164. poslovnika o radu Doma naroda Parlamenta FBiH.

### **3. HITNO USVAJANJE PET ZAKONA PRIJEDLOGA UPFBiH (Vlada FBiH, Parlament FBiH)**

- Zakon o izmjenama i dopunama Zakona o zdravstvenom osiguranju
- Zakon o izmjenama i dopunama zakona o Poreznoj upravi
- Zakon o izmjenama i dopunama zakona o fiskalnim sistemima
- Zakon o izmjenama i dopunama Zakona o privatizaciji
- Zakon o izmjenama i dopunama zakona o profesionalnoj rehabilitaciji, osposobljavanju i zapošljavanju osoba sa invaliditetom<sup>12</sup>

### **4. UKIDANJE OBAVEZE OPOREZIVANJA DOHOTKA OD PRODAJE UDJELA (Federalno ministarstvo finansija)**

- Hitno povlačenje mišljenja Federalnog ministarstva finansija, broj: 05-14-2-1425/19-1<sup>13</sup>

### **5. IZMJENA PRAVILNIKA O PRIMJENI ZAKONA O POREZU NA DOBIT (Federalno ministarstvo finansija)**

- Izmjena člana 42. koji propisuje mogućnost i pravne posljedice korištenja nižih stopa amortizacije od stopa koje su propisane Zakonom o porezu na dobit<sup>14</sup>

### **6. IZMJENA PRAVILNIKA O PRIMJENI ZAKONA O POREZU NA DOHODAK (Federalno ministarstvo finansija)**

- Promjena načina utvrđivanja prihoda od korištenja vozila u privatne svrhe<sup>15</sup>

<sup>12</sup> UPFBiH je pripremlilo inicijative za izmjene pet zakona i iste se nalaze u prilogu ovog akta

<sup>13</sup> UPFBiH je pripremlilo inicijativu i ista se nalazi u prilogu ovog akta

<sup>14</sup> UPFBiH je pripremlilo inicijativu za izmjene Pravilnika i ista se nalazi u prilogu ovog akta

<sup>15</sup> UPFBiH je pripremlilo inicijativu za izmjene Pravilnika i ista se nalazi u prilogu ovog akta